

QUAESTIONES BABRIANAE.

DISSERTATIO INAUGURALIS PHILOLOGICA

QUAM

CONSENSU ET AUCTORITATE

AMPLISSIMI PHILOSOPHORUM ORDINIS

IN

ALMA LITTERARUM UNIVERSITATE FRIDERICA
GUILIELMA BEROLINENSI

AD

SUMMOS IN PHILOSOPHIA HONORES

RITE CAPESSENDOS

DIE XXIII. DECEMBRIS A. MDCCCLXXXXI

PUBLICICE DEFENDET

AUCTOR

JULIUS WERNER

POSNANIENSIS.

ADVERSARII ERUNT

JUSTINUS NEISSE, STUD. PHIL.

BENESTUS SANTEE, DR. PHIL.

RICARDUS PAPPRITZ, DR. PHIL.

BEROLINI 1891.

APUD S. CALVARY ET SOCIUM.

HERMANNO DIELS

PRAECEPTORI CARISSIMO

PIO GRATOQUE ANIMO

DEDICAVIT

AUCTOR.

Quaestiones Babrianae.

Constat Graecorum apologos antiquissimis temporibus non peculiariter fuisse carmina, sed partes tantum carminum, ut adversarii perstringerentur, a poetis lyricis adhibitas. Itaque haud mirandum est, quod post illud tempus non solum comoediarum sed etiam tragoediarum poetae multi erant in apologis fingendis. Fabellae autem quoniam perpetuo in hominum ore erant et aptissimae ad animos audientium delectandos ac captandos, factum est, ut placato homines carpendi studio, quod primo semper inerat in vetustis fabellis, frequentissime arriperentur ab oratoribus et sophistis ad homines admonendos et edocendos. Quare dum magis magisque et numerus et vires poetarum lyricorum deficiunt, paulatim apologorum usus ab oratoribus ita est auctus, ut iam Aristoteles de fabulis non in libris de arte poetica, sed de rhetorica¹⁾ conscriptis dissereret. Tunc autem *αἶνος* est narratio rei, quae evenisse aliquando fingitur ea mente, ut aut ad virtutem aut ad prudentiam fiat exhortatio, quod fabellarum genus utebatur sermone soluto praestantissime ab Aesopo, qui dicitur, excultum. Quod postea nonnullos Aesopi apologos a Socrate, cum esset in vinculis publicis, versibus inclusos esse ferunt²⁾, iniudicatum relinquo. Demetrium Phalereum, qui a Quintiliano ultimus ex Atticis orator vocatur, praeclarissimam in Aesopi historioliis colligendis operam navasse testis est Laertius Diogenes³⁾. Ita factum est, ut Graecorum fabellae ad Alexandrinos translatae commiscerentur cum apologis Aegyptiorum et Iudaeorum.

¹⁾ II, c. 20.

²⁾ cf. Platon. Phaed. p. 61. b. Plutarch. de aud. poet. p. 16 c. Avian. praef. Suid. s. v. Σωκράτης.

³⁾ V, 80. 81.

De Babrio, principe apologorum poeta, ita distant philologorum sententiae, ut haud inutilis esse haec dissertatio videatur, etiamsi tam difficile opus me suscepisse me non fugit, ut timeam, ne non sufficient vires meae ad quaestiones persolvendas.

I.

Postquam haud exiguus Babrii apologorum numerus anno millesimo octingentesimo quadragesimo a Minoide ex codice Athoo in lucem prolatus est, illustrissimi philologorum, ut Lachmannus, Bergkii, Schneidewinus, Crusius, alii summo cum ardore multum operae laborisque in Babrium contulere. Extant autem nunc quidem duo libri huius fabulatoris centum viginti tres apologos continentes litterarum ordine dispositos. Quod mutilatus est alter libellus, cum desiderentur fabulae iam post litteram o, valde lugendum est. Liceat autem iam hoc loco, priusquam porro procedamus, Suidae testimonium afferre:

Βαβρίας ἢ Βάβριος· μύθους ἤτοι μυθιάμβους. εἰς γὰρ διὰ χωλιάμβων ἐν βιβλίοις εἰ. οὗτος ἐκ τῶν Αἰσωπείων μύθων μετέβαλεν ἀπὸ τῆς αὐτῶν λογοποιίας εἰς ἔμμετρα, ἧγουν δὲ χωλιάμβους.

Avianus¹⁾ dicit, qui floruisse videtur exeunte saeculo quarto: „fabulas Aesopi . . . , quas Graecis iambis Babrius repetens in duo volumina coartavit.“ Babrii autem apologos, ut nunc quidem leguntur, litterarum seriem sequi iam antea commemoratum est. Putasne Babrium apologos ita composuisse, ut in excogitandis fabellis aut conscribendis sequeretur tam ridiculum consilium apologorum conserendorum? Adde, quod in florilegiis saltem ordo alphabeticus vix ante Byzantinorum tempora reperitur²⁾. Putasne fieri potuisse, ut Babrius, qui fabulas composuit, ut ita dicam, in usum Delphini, Branchio, puerulo educando, praeberet fabulam illam centesimam decimam sextam³⁾, omnium foedissimam, quae est de muliere adultrice? Equidem mihi persuasi genuinos Babrii libros decem iam ante Avianum ab insipiente quodam viro esse coartatos verumque librorum numerum a Suida ex vetustiore scriptore haustum.

¹⁾ cf. praef.

²⁾ cf. Diels, deutsche Literaturzeitung 1881. p. 750. et quae a Crusio, Warnkrossio, etc. de paroemiographis disputata sunt.

³⁾ spuriam eam existimaverunt Fix, Hertzberg, Schenkl, alii.

II.

Quae cum ita sint, cavendum mihi videtur de Babrii aetate exquisituro, ne hac in re proficiscar ex sermonis proprietate, qua sunt fabulae Babrianae, cum tali divinandi ratione non tam de Babrii aetate, quam de Graeculi illius temporibus certior fierem, qui invitis musis Babrii apologos compressit plurimasque, quae nunc extant, affabulationes adiecit. Tamen etiam in iis apologis, qui nobis traduntur, insunt nonnulla, quae ab illo epitomatore servata spectent ad genuinum fabularum auctorem. Cuius de aetate mirum est quantum discrepent philologorum sententiae. Tyrwhittius enim et Crusius Babrium fuisse aequalem Alexandri Severi imperatoris, Bergkii et Wagener floruisse aiunt saeculo ante Christum natum quarto. Cui quaestioni eos potissimum, qui argumentandi initium fecerunt ab Alexandro rege, cuius filium Babrius edocere studet, tenebras obduxisse recte monet Bernhardus, cum frequentissimum sit apud Selencidas Alexandri regis nomen¹⁾.

Videamus igitur, quae sint argumenta ex apologis ipsis hausta, quibus nitantur coniecturae de Babrii aetate factae, tum qui sint scriptores recentiores, qui poetae aut mentionem fecerint aut usum.

III.

Itaque imprimis utrumque Babrii prooemium nobis tractandum videtur. Legitur autem:

Γενεῇ δικαίων ἦν τὸ πρῶτον ἀνθρώπων,
ὃ Βράγχε τέκνον, ἦν καλοῦσι χρυσεῖην. . . .
μάθοις δ' ἂν οὕτω ταῦτ' ἔχοντα καὶ γνοίης
ἐκ τοῦ σοφοῦ γέροντος ἡμῖν Αἰσώπου
μύθους φράσαντος τῆς ἐλευθέρας μούσης.
ὦν νῦν ἕκαστον, ἂν θέλῃς, ἐνὶ μνήμῃ
μελισταγές σοι, λῶστε, κηρίον θήσω
πικρῶν ἰάμβων σκληρὰ κῶλα θηλύνας.

¹⁾ Gutschmidtus (Fleck. ann. 1863. p. 323.) Branchi patrem fuisse iudicat Alexandrum Theopatorem Euergeten, Lachmannus Alexandrum, Alexandri Herodis filii nepotem, regem Issiadis a Vespasiano constitutum.

Quanta dictionis suavitae Babrius usus sit, perspicitur iam ex his versibus, quibus fabulator more patris Branchum discipulum alloquitur. Poeta igitur quinque hominum aetates enumerat, quarum prima cunctis animalibus atque rebus inanimis vox humana concessa sit; talique ratione verisimilius fore audientibus Babrius sperat, quod bestiae in fabulis utuntur hominum sermone. Adhortatur autem puerum, ut harum fabularum unamquamque memoriae mandet, praesertim cum eas poeta suaviores reddat per versus choliambicos amaritudine vacantes, qua superfluebant, ut exemplo utar, Archilochi fabellae. Babrii igitur apologi non ad adversarios perstringendos sunt facti, sed ad homines et corrigendos et delectandos.

IV.

Legamus nunc alterum prooemium, quo initium fit libri secundi:

Μῦθος μέν, ὃ παῖ βασιλέως Ἀλεξάνδρου,
Σύρων παλαιόν ἐστιν εὔρεμ' ἀνθρώπων,
οἳ πρὶν ποτ' ἦσαν ἐπὶ Νίνου τε καὶ Βήλου·
πρῶτος δέ, φασίν, εἶπε παισὶν Ἑλλήνων
Αἴσωπος ὁ σοφός, εἶπε καὶ Λιβυστίνοις
λόγους Κιβύσσης. ἀλλ' ἐγὼ νέη μούσῃ
δίδωμι φαλάρω χρυσέῃ χαλινώσας
τὸν μυθίαμβον ὥσπερ ἵππον ὀπλίτην.
ὕπ' ἐμοῦ δὲ πρώτου τῆς θύρης ἀνοιχθείσης
εἰσῆλθον ἄλλοι καὶ σοφωτέρης μούσης
γρίφοις ὁμοίας ἐκφέρουσι ποιήσεις
μαθόντες οὐδὲν πλεῖον ἢ γεγωνίσκειν.
ἐγὼ δὲ λευκῇ μυθιάζομαι ῥήσει
καὶ τῶν ἰάμβων τοὺς ὀδόντας οὐ θήγω.
ἀλλ' εὖ πυρώσας, εὖ δὲ κέντρα πρηγνάς
ἐκ δευτέρου σοι τήνδε βίβλον αἰίδω.

Quod fabula Syrorum antiquorum dicitur inventum, sunt, qui Babrium fuisse credant natione Syrum. Lachmannus autem in Syriae et Ciliciae confiniis Babrium fabellas Alexandri filio composuisse conicit. Initium vero huius prooemii memorabile videtur, quod hoc loco coniectura fit de fabulis a viris orientis solis ad Graecos translatis. Tunc autem Babrius nova se musa fabulam iambicam canere confitetur:

ἀλλ' ἐγὼ νέη μουσῇ
 δίδωμι φαλάργ' χρυσέῃ χαλινώσας
 τὸν μυθίαμβον ὥσπερ ἵππον ὀπλίτην.

Ac recte quidem Babrius artem suam esse novam declarat, quod primus Aesopi fabulas, quibus, postquam lyricorum poetarum veterum carmina defecerunt, praecipue oratores utebantur ad vulgi favorem sibi conciliandum, acerbitate antiquorum apologorum lenita composuit choliambis. Nec desunt, qui Babrium floruisse ante Callimachum Alexandrinum sentiant, quem choliambis fecisse apologos nemo neget. Sed iacet haec opinio, quia Callimachus fabellas non ut peculiare poësis genus tractat, sed veterum poetarum more carminibus innectit. E Babrii autem verbis ἐκ δευτέρου τήνδε βίβλον δαίδω sine dubio poetam hoc opus denuo pertractatum emisisse apparet. Itaque id quidem constare mihi videtur duas a poeta apologorum editiones esse paratas, quarum prooemia usque ad hunc diem integra supersunt. Non enim illud ἐκ δευτέρου τήνδε βίβλον δαίδω spectare mihi videtur ad unum libellum iterum emendatum, sed ad totum Babrii apologorum thesaurum, cum antea ipse profiteatur:

ὅπ' ἐμοῦ δὲ πρώτου τῆς θύρης ἀνοιχθείσης
 εἰσῆλθον ἄλλοι καὶ σοφωτέρης μουσῆς
 γρίφοις ὁμοίας ἐκφέρουσι ποιήσεις
 μαθόντες οὐδὲν πλεῖον ἢ γεγωνίσκειν.

unde sequitur, ut Babrii apologorum iam primum editorum extiterint imitatores. Quid interfuerit inter Babrii exemplaria, nunc quidem satis perspicere non potest, cum haud verisimile sit alterum nullo certo consilio, alterum litterarum ordine esse dispositum. Addendum est, quod Babrii fabula, quae servatur a Tzetze¹⁾, in codice montis Atho desideratur, ut ea aut ex eo thesauro, qui nunc restat, sub littera γ excidisse aut ex priorē Babrii editione, cuius alia vestigia fere omnia evanuerunt, hausta esse putanda sit.

¹⁾ chiliad. 13, 255:

Γάλλοις ἀγύρταις εἰς τὸ κοινὸν ἐπράθη
 ὅνος τις οὐκ εὐμυρος, ἀλλὰ θυσαίμων etc.

V.

Quoniam ex utroque fabularum prooemio Babrium semper usum esse choliambis pernoscitur, haud dubium mihi videtur, quin ea apologorum fragmenta, quae restant iambis, hexametris, elegis conscripta, Babriana esse negandum sit¹⁾. Primum enim fabularum Babrii iambicarum, non claudarum fragmentum ab omnibus fere editoribus affertur illud Suidae:

νῦν δὲ σωθείην, ἵνα

ἢ μοι διδάγμα τοῦτο τοῦ λοιποῦ χρόνου.

Gaisfordius, ut ex iis iambis fiant choliambi, verba ita disponere non dubitavit:

νῦν δὲ σωθείην,

δίδαγμα ἔν' ἢ μοι τοῦτο τοῦ χρόνου λοιποῦ.

Sed accuratius nunc videamus, qui factum sit, ut talia tribuerentur Babrio. Suidas autem haec dicit: παρὰ τὸν μῦθον εἶρηται τοῦτο τῆς μανθανούσης γελώνης ἵπτασθαι παρὰ τοῦ ἀετοῦ καὶ πεσοῦσης. Babrii igitur nomen hoc loco sumptum esse coniectura quadam liquet, cum Suidas nihil dicat de eius apologi auctore. Rectius tamen Suidas illud fragmentum hausisse putandus est ex fabulatore quodam, qui Babrium imitatus apologos conscripserat iambis. Talique ratione iudicandum est de fabularum hexametris compositarum reliquiis a Knochio, Eberhardio, aliis Babrio vindicatis, quas meo quidem iudicio protulit Suidas ex corpore quodam fabularum, quod inscriptum est Μοθικά. Neque enim Lachmanni coniectura probanda videtur, qui eas apologorum reliquias, quae apud Suidam leguntur hexametris iambisque scripta, superesse putet ex illis fabulis obscura oratione compositis, quarum auctores a Babrio vituperentur his verbis:

ὅπ' ἐμοῦ δὲ πρώτου τῆς θύρης ἀνοιχθείσης

εἰσῆλθον ἄλλοι καὶ σοφωτέρης μούσης

γρίφοις ὁμοίας ἐκφέρουσι ποιήσεις

μαθόντες οὐδὲν πλεῖον ἢ γεγωνίσκειν.

¹⁾ Nuperrime fragmentum haud dubie ex fabella, quae erat de ranis regem petentibus, decerptum in lucem prodiiit, quod Babrii esse conicit Weilius. cf. revue des études grecques, 1890. p. 309. Sed quia perierunt versuum exitus, de fragmenti auctore nihil potest diiudicari.

etiamsi fieri potuisse concedam, ut nonnullae illorum Babrii imitatorum fabellae quamvis mutatae in Suidae thesauro, qui inscriptus est Μυθικά, servarentur. Id enim tenendum est Babrium nullis aliis versibus apologos finxisse nisi choliambis, imitatores tamen Babrii fabulas saepenumero transfudisse in versus dactylicos iambicosque.

VI.

Nunc autem Babrii exemplaria, quibus Suidas et scriba codicis Athoi sunt usi, accuratius nobis describenda sunt. Ac Suidam quidem Babrii libros non seorsim in uno codice conscriptos manibus tenuisse, sed fabellarum corpus quoddam undique collectarum iam antea dictum est. Leguntur enim apud Suidam sub articulo *ἐταιρεία* hi versus:

θέντο μετ' ἀλλήλοισιν ἐταιρείην μύε δοιῶ
οὐ καθ' ὁμὰ ζῶοντες. ὁ μὲν κατὰ νειὸν ἐρήμην
ἔτρεφεθ', ὅς δὲ δόμοισιν ἐν ἀφνειῶν τρέφετ' ἀνδρῶν.

Aliis tamen locis Suidas ad eundem apologum non hexametris, sed iustis choliambis respicit velut sub voce *σωράκους* et sub voce *κρίμων*. Quare haec apologi fragmenta ita dirimenda sunt, ut eos versus, quos citavimus, a Babrio abiudicemus, quippe quem choliambis fabulam illam de muribus condidisse constet, neque conicere dubito in Suidae thesauro utramque fuisse eiusdem apologi formam. Quodque apud Suidam Babrii nomen utrique additum invenitur, vitio non Suidae, sed viro cuidam male sedulo vertendum est, qui cum huius modi argumentum fabulas inter Babrianas legisset, Babrii nomen adscribere non dubitaret illis hexametris.

Nunc ad aliam Babrii fabulam animum convertamus neque a Suida neque a codicis Athoi librario recte apteque enarratam. A Suida enim sub articulo *πίθηκος* referuntur hi versus:

κερδὼ πιθήκῃ φησιν „ἦν ὀρᾶς στήλην,
ἐμοὶ πατρῷῃ τ' ἐστὶ καὶ παππῷ.“

et a codice A:

κερδὼ πιθήκῃ φησίν „ἦν ὀρᾶς στήλην,
ἐμὴ πατρῷα τ' ἐστὶ καὶ παππῷα.“
κερδοῦ πίθηκος εἶπεν „ὥς θέλεις, ψεύδου
ἐλεγχον οὐκ ἔχουσα τῆς ἀληθείης.“

Cui talia legenti non Archilochi illud venit in mentem?

ἐρέω τιν' ὅμιν αἶνον, ὦ Κηρυκίδη,

ἀγρυμμένη σκυτάλη.

πίθηκος ἤει θηρίων ἀποκριθεῖς

μοῦνος ἀν' ἐσχατιήν.

τῷ δ' ἄρ' ἀλώπηξ κερδαλῇ συνήντετο

πυκνὸν ἔχουσα νόον.

Ex pedestri autem paraphrasi codicis Augustani, quae apud Halmium nro. 43. legitur, manifestum est prima illa Babrii verba:

ἦν ὄρᾳς στήλην,

ἐμοὶ πατρώῃ τ' ἐστὶ etc.

non vulpis esse sed simii. Quare idem error et in codice Athoo et in Suidae exemplari fuisse videtur. Hemistichiorum enim sedes ea re turbata est, quod prima tertii versus pars: κερδῶ πίθηκῳ τῆσιν male transposita est in primum stichum primaque contra primi versus pars in tertium stichum. Ex tali autem librarii cuiusdam negligentia id quidem conici potest, cum idem vitium et apud Suidam¹⁾ et in codice A. legatur, utriusque textum manasse ex uno eodemque archetypo, qui paulatim temporum iniquitate foede turbatus est. Babrii enim fabulae in scholis multum lectae atque explicatae usu cotidiano discipulorum ita terebantur, ut verba poetae non solum corruptelarum sordibus abundarent, sed etiam decurtarentur et interpolarentur.

Restat, ut quam brevissime inquiremus, utrum ea, quam habuit Suidas, recensio an Athoana in Babrii apologis purgandis praefenda sit. Id enim singulis argumentis comprobare supervacaneum videtur Suidam fabulas Babrii non e codice Athoo descripsisse. Utque certum fiat iudicium de fide utriusque recensiois, nonnullos locos comparare sat est, unde, utrius lectio sit recipienda, appareat²⁾.

Legitur autem:

1. apud Suidam s. a. ἀμ̃:

νῦν ἐστὶν ὄντως, παῖδες, ἐκ τόπων φεύγειν,

ὅτ' αὐτὸς ἀμ̃ κ' οὐ φίλοις πιστεύει.

¹⁾ Neque negligendum est, quod Rutherfordius Suidiana non ex uno exemplari fluxisse posuit, qua de re non audeo facere iudicium, quia deesse videtur certa firmaque norma, qua Suidae exemplaria Babriana possint seiungi.

²⁾ cf. Babr. ed. Rutherford. London. 1883. p. 53.

in codice A. (fab. 88, 18.):

νῦν ἐστὶν ὄρη, παῖδες, ἀλλοχοῦ φεύγειν,
ὅτ' αὐτὸς αὐτῷ κ' οὐ φίλοισι πιστεύει.

Aviani verba (ed. Lachmann. fab. 21, 14.):

nunc, ait, o miseri, dilecta relinquite rura,
cum spem de propriis viribus ille petit.

nullo fere sunt momento.

2. apud Suidam s. a. σπήλυξ et ἀσθμαίνων:

κοιῶσω σπήλυγος, οἷάτις νούσῳ
κάρμων ἐβέβλητ' οὐκ ἀληθὲς ἀσθμαίνων.

in codice A.:

κοίλης ἔσω σπήλυγος ὡς νόσῳ κάρμων
ἐκεῖτο δόλιον οὐκ ἀληθὲς ἀσθμαίνων.

Paululum consistamus. Quae apud Suidam legitur, forma νοῦσος est Ionica, quali utitur Homerus et Hesiodus. In codice A. autem haud raro formae, quae propriae sunt sermonis Ionici, ita mutatae sunt, ut sermo vulgaris, qui dicitur, restitutus esse videatur. Quare cum e voce νούσῳ scriptori codicis A. sive librario eius exemplaris, quod secutus est scriptor codicis A., forma νόσῳ facienda videretur, totus versus varias metri causa perpressus est mutationes¹⁾. Tamen Suidae quoque exemplar talibus in rebus minima fuisse auctoritate videmus, cum non semper formae serventur Ionicae. In universum quidem Suidae fons meliores praeberet lectiones Athoo, ita tamen, ut nonnumquam rectas afferre codicem A. libenter concedam. Athoum autem exemplar in scholarum usum emendatum esse videtur, quoniam hoc in codice fere ubique rariora vocabula frequentioribus expulsa sunt, ut

¹⁾ Eadem corruptela extat apud Semonidem cf. frg. 1, 12:

τοὺς δὲ δούστηνοὶ νόσοι

φθειροῦσι θνητῶν.

ubi Dielsium sequor emendantem:

τοὺς δὲ δούστηνοὶ νέουσ

φθειροῦσι νοῦσοι.

Illud θνητῶν enim haud dubie ab interprete quodam versui nono adscriptum, ut explicaretur: ὅστις οὐ δοκεῖ etc., (cf. Stobaei cod. A.: φθειροῦσι βροτῶν θνητῶν) e margine in versum decimum tertium irrep-
sisse videtur, postquam e νέουσ factum est νόσοι.

In fab.	94.	στόματος	legitur	pro	φάρυγος,
" "	122.	ἀναιδείης	" "	"	ἀνίης,
" "	32.	κλίνης	" "	"	κοίτης,
" "	95.	σάρκας	" "	"	ἐγκατα e. c.

Talique modo fabellarum ordo in codice A., qui sequitur seriem litterarum, non a Babrio ipso profectus esse mihi videtur, sed a ludi quodam magistro, qui insuper haud raro apologis stultissime affixit epimythia.

VII.

Iam vero accedamus ad aliam rem. A multis enim philologis Babrium fuisse hominem Romanum contenditur, quae opinio ex ea re orta esse mihi videtur, quod in codice A. invenitur:

Βαλεβρίου μυθίαμβοι Αἰσώπειοι κατὰ στοιχεῖον
στίχοι χωλιαμβικοί.

et in codice Harleiano, qui Babrii fabularum paraphrases, ut ita dicam, praebebat:

Βαβρίου

Βαλερίου χωριαμβικοί στίχοι ἐκ τῶν Αἰσώπου μύθων.

Quare multi inducti alias praeterea causas, de quibus postea disputabimus, quaerebant, unde Babrium fuisse Romanum cognosci posset.

Ac primum quidem e nomine, quod legitur in codicibus A. et H., praesertim cum a Tzetze Babrii vel Babriae nomen tradatur, quod propter metrum corrigi non possit, nihil concludi posse mihi videtur. Quid enim mirum? Facillime enim e BABPIOY fieri poterat BAAEPIOY, quod mendum a manuscripti correctore, ut erat mos, ita videmus deletum, ut verum nomen Βαβρίου supra versum scriptum suo loco depelleretur. Quo factum est, ut postea appellaretur poeta Valerius Babrius. Quodque exhibet codex Harleianus Βαλεβρίου, non esse Valerium e codice A. elucet praebente Βαλεβρίου, quod corruptum esse e Βαλε[ρίου Βα]βρίου neque Crusius¹⁾ neque Rutherfordius mihi persuaserunt. Ita enim rem cogitandam esse censuisse videntur, ut per syllabarum similitudinem librarius oculis deceptus a -ρίου aberraret ad -βρίου.

¹⁾ Leipz. Studien 1879. p. 192.

VIII.

Tum a multis, quod Babrii nomen invenitur in titulis Latinis, Babrium fuisse Romanum conicitur. Sed ex ea re non sequitur, ut Babrium fuisse vernaculum Romanorum nomen gentile putemus, quia fieri poterat, ut a Graecis transferretur ad Italos, praesertim cum Babrii nomen plerumque fuisse libertinis constet, sed omnino non usitatum, quoniam aliter explicari non potest, quomodo de nomine poetae orta sit controversia. Babrium enim dicit Avianus, Babriam Tzetzes, utramque formam exhibet Suidas, Chabrium Apostolius, Γαβρίου Ἑλληνας τετρασίγχα codex Harleianus. Bergkii autem nominis originem indidem ducit, unde βαβράζειν, id est vociferari¹⁾.

Crusius autem, quamquam labori non pepercit, ut Babrium fuisse stirpe Romana demonstraret, tamen hac in re oleum perdidisse mihi videtur. Docet enim poetam fuisse Romanum et floruisse tertio post Chr. n. saeculo ineunte. Quid? Babrius nonne elato animo ipse confitetur:

ἀλλ' ἐγὼ νέη μούσῃ
 δίδωμι φάλαρα χρυσέῃ χαλινώσας
 τὸν μυθίαμβον ὥσπερ ἵππον ὀπλίτην.
 ὅπ' ἐμοῦ δὲ πρώτου τῆς θύρης ἀνοιχθείσης
 εἰσῆλθον ἄλλοι etc.

Itaque Crusio sumendum est Babrium, si fuerit origine Romanus, consulto celare Phaedrum, qui floruit temporibus Augusti, ne laudes a Babrio quaesitae ab illo libertino deminuantur, qua de re ne Byzantini quidem litteratores hariolabantur, aut Babrium, virum Romanum, cum scriberet fabulas Graecas, Romanorum praeclarissimum fabulatorem sibi praetermittendum esse putavisse²⁾, quae res haud verisimilis videtur, quod non dubitandum est,

¹⁾ cf. Platonis fabulam de cicadis narratam (Phaedr. p. 259. Aes. fab. 399. e. Halm.).

²⁾ Nec Babrium a Phaetro nec Phaetrum a Babrio esse inspectum facillimum est comprobare, sed utrumque e simili, ne dicam, e communi fonte hausisse. Quod Seneca ad Polyb. de consol. 27. scribit: non audeo te usque eo perducere, ut fabellas quoque et Aesopeos logos, intemptatum Romanis ingeniis opus, solita tibi venustate conectas, non mirum est, cum Phaetrus Senecae non fuisse videatur ingenio vere Romano.

quin poeta, si fuisset Romanus, laudem generis cuiusdam fabularum inventi suo populo haudquaquam erepturus fuerit. Neque enim Babrius tam inflato uteretur animo, si nulla alia re palmam petivisset, nisi quod fabulas iam antea expolitas primus composuisset choliambis. Quae si ita sunt, fieri non potest, ut Crusio fidem habeamus Babrium fuisse natione Romanum, qui floruisset saeculo post Chr. n. tertio.

IX.

Iam vero reliquas causas eorum perlustremus, qui Babrium fuisse Romanum natione¹⁾ demonstrare conantur. Cui opinioni stabile fundamentum condi putabant choliamborum legibus, quas Babrius Romanorum artem metricam secutus sibi imposuisset. Quare denuo hae res mihi perquirendae videntur, etiamsi nuperrime a Maximiliano Fico²⁾ summa industria, sed non semper sano iudicio sunt tractatae. Valde autem mirandum est, quod ad choliamborum Graecorum rationem pernoscendam ab omnibus tituli sunt neglecti. Itaque meum esse inscriptiones choliambicas congerere arbitratus hoc loco conscribam, quotcumque multis libellis dispersas colligere mihi contigit, ut sint quasi additamentum eius Meinekii libri, qui est de Graecorum poësis choliambicae reliquiis.

Restant igitur hi tituli choliambici:

- 1.³⁾ Σωτηρίαν με τύμβος ἐνθάδε, ξεῖνε,
οὗτος καλύπτει. ὧς γὰρ ᾗθελεν δαίμων
τρὶς δέκα παρασχὼν ἔτεά μοι μόνον ζῆσαι.
- 2.⁴⁾ Ὁ κλεινὸς ἱνὶς βασιλέων Ἀμάζαπος
ὁ Μιθριδάτου βασιλέως κασίγνητος

¹⁾ Frequentissime Romanos quoque fabellas adhibuisse constat cf. Enn. apud Gell. n. Att. 2, 29. Lucil. fr. 778. Horat. sat. 2, 6, 77. epist. I, 1, 73. 3, 19. 7, 29. 10, 34. 17, 50. art. poet. 139. Ovid. fast. 4, 700. Plaut. Rud. V, 2, 39. Liv. 2, 32. Juven. I, 2, 63. e. c.

²⁾ apud Rossbachium et Westphalium, Metrik d. Gr. 3, 2. p. 820. e. s.; eiusdem dissertationem, quam se confecturum de Babrii aetate promisit, frustra desideravi.

³⁾ cf. Kaibel. epigr. e. l. coll. nro. 276.

⁴⁾ cf. Kaibel. nro. 549. Meineke, Gr. poës. chol. rel. p. 173.

φῖ γαῖα πατρίς Κασπίας παρὰ κλήθρας,
 Ἰβηρ Ἰβηρος ἐνθαδὶ τετάρχεται
 πόλιν παρ' ἱρήν, ἣν ἔδαιμε Νικάτωρ
 ἐλαιόδηλον ἀμφὶ Μυγδόνος νᾶμα.
 θάνεν δ' ὀπαδὸς Αὐσόνων ἀγητῆρι.
 μολῶν ἀνακτι Παρθικὴν ἐφ' ὑσμίνην,
 πρίν περ παλάξαι χεῖρα δηῖφ λύθρφ,
 ἴφθιμον αἰαῖ χεῖρα δουρὶ καὶ τόξφ
 καὶ φασγάνου κνώδοντι πεζὸς ἱππεύς τε.
 ὁ δ' αὐτὸς Ἴσος παρθένοισιν αἰδοίαις.

3.¹⁾ Ἀγαθῇ τύχη.

Ἑρωδιανὸς Νεικίου πατρὸς ἔστησεν
 χαλκεῖον ἀνδριάντα πατρίδος ψήφφ
 γνώμης τε ἔκατι, μελιχὸς γὰρ ἦν πᾶσιν,
 τερπνῶν τε μείμων οὖς ἔγραψεν ἀστεῖως.

4.²⁾ ιων ἵχνος εἰ θέλεις γνῶναι
 ς τῇδε λαϊνῇ στήλῃ
 χρηστὸς ἐν φθιτοῖς ἀνὴρ
 λέλοιπεν ἡλίου φέγγος
 ων μηδέπω τελειώσας
 κ]αὶ δέδοκτο(?) μοῦνος ἀνθρώπων
 ἀ]ρετῇ τοὺς ὁμήλικας προὔχεν
 δι]καιος, θεοσεβής, φιλάνθρωπος,
 ἐτ]αίρων τὸν τεὸν μόρον κλαίει
 μὲν ὄχλος οἰκετῶν σε δακρύει.
 παν]τὶ δ' ἦσθα σεμνὸς ὥς δοκεῖν εἶναι.
 ντα παῖδα τοῖς νοήμασιν πρέσβυν
 ον, ποθήτη μῆτερ, εὐνασον θρῆνον
 πέ]νθους τιθηνὸν ὅς μάτην σε πημαίνει·
 οὐδείς γάρ ἐξήλυξε τὸν μίτον μοιρῶν,
 οὐ θνητὸς, οὐκ ἀθάνατος, οὐδ' ὁ δεσμώτης,
 οὐδ' αὖ τύραννος βασιλικὴν λαχὼν τιμὴν
 θεσμοὺς ἀτρέπτους διαφυγεῖν ποτ' ᾤθη.
 Φαέθοντα Τιτὰν οὐκ ἔκλαυσ', ὅτ' ἐκ δίφρων

¹⁾ cf. Monatsb. d. Berl. Ak. 1881. p. 441. bulletin de corr. hellén. 1881, V. p. 130; 1882, VI. p. 181. (II, 1878. p. 401.).

²⁾ cf. revue archéolog. 1883. p. 195; 1880. p. 170.

ἀπ' οὐρανοῦ κατέπεσεν εἰς πέδον γαίης;
 Ἑρμῆς δ' ὁ Μαίας οὐκ ἔκλαυσ' ἐὼν παῖδα
 Μυρτίλον ἀπὸ δῖφρων κλύμασιν(?) φορούμενον(?);
 οὐδ' αὖ θέτις τὸν σθεναρὸν ἔστανεν παῖδα,
 ὅτ' ἐκ βελέμων θνήσκει τῶν Ἀπόλλωνος;
 ὁ δ' αὖ βροτῶν τε καὶ θεῶν πάντων ἄναξ
 Σαρπηδὸν οὐκ ἔκλαυσεν, οὐκ ἐκώκυσεν;
 οὐδ' αὖ Μακηδῶν ὁ βασιλεὺς Ἀλέξανδρος,
 ὃν τίχτεν Ἄμμων θέμενος εἰς ὄφιν μορφήν,

Ahrensius¹⁾ de re metrica optime meritis, etiamsi multi laudem legum Babrii metricarum detectorum detraxerunt editoribus Parisiensibus, dicit haec: „Memoratu dignum est, quas leges Babrius sibi scripserit in ultimo choliamborum pede. Primum raro in extremo versu admittit syllabas non natura longas. In longissima fabula nonagesima quinta, quae centum duo versus continet, semel (v. 101.) contra regulam peccatum est. Sed de hac lege nunc omitto accuratius quaerere.“

Circiter septuagies Babrius ab hac norma discessit, quae exempla hoc modo dirimenda videantur. Saepissime circiter quadragies quod Babrius in extremo versu syllabas σθαῖ et ται et ναι admisit, non mirum est, praesertim cum antiquissimis temporibus eae syllabae longae fuisse videantur et accentum ponenti tantummodo corripiantur et ne hoc quidem in omnibus dialectis. Praeterea Babrius circiter vices breves in ultima versuum sede syllabas sibi concessit, quibus consonantes σ aut ν finem faciant, neque ἐγκλιτικά hoc loco repudiavit, ut τοί-νυν, ἧ-τις, ὦς-περ, πρὸς-θεν. Sed rarissime legitur in extremo versu syllaba, quae exeat in brevem vocalem, qui loci fere omnes etiam ob alias causas suspecti sunt²⁾. Liceat nobis hanc legem apud reliquos Graecorum choliambographos persequi, praesertim cum eos choliambos, qui insunt titulis, ad hanc quaestionem illustrandam omnino non adhibitos esse videam. Neglexi autem in ea re eos poetas, quorum fragmenta tam parva sunt, ut ex iis nihil perspicere possit.

¹⁾ de crasi et aphaeresi, 1845. p. 31.

²⁾ cf. 106. 4. 107a, 3. 115, 4. 116, 3. 116, 2. et in fragmentis 131, 14. 142, 1. 131, 7. 143, 2. et in epimythiis 71, 12. 107a, 19. 65, 8.

Restant igitur:

Hipponactis choliambi ¹⁾ 149, quorum exeunt in syllabas natura longas circ. 95 versus, in αἷ, οἷ, ζ, υ et enclit. circ. 40, in brevem vocalem circ. 14.

Ananii choliambi 14, quorum exeunt in syllabas natura longas circ. 8 versus, in αἷ, οἷ, ζ, υ et enclit. circ. 4, in brevem vocalem circ. 2.

Aeschrionis choliambi 16, quorum exeunt in syllabas natura longas circ. 7 versus, in αἷ, οἷ, ζ, υ et enclit. circ. 6, in brevem vocalem circ. 3.

Phoenicis choliambi 50, quorum exeunt in syllabas natura longas circ. 29 versus, in αἷ, οἷ, ζ, υ et enclit. circ. 18, in brevem vocalem circ. 3.

Callimachi choliambi 50, quorum exeunt in syllabas natura longas circ. 30 versus, in αἷ, οἷ, ζ, υ et enclit. circ. 15, in brevem vocalem circ. 5.

tituli primi choliambi 3, quorum exeunt in syllabas natura longas 1 versus, in αἷ, οἷ, ζ, υ et enclit. 1, in brevem vocalem 1.

tituli secundi choliambi 12, quorum exeunt in syllabas natura longas 6 versus, in αἷ, οἷ, ζ, υ et enclit. 4, in brevem vocalem 2.

tituli tertii choliambi 4, quorum exeunt in syllabas natura longas

¹⁾ quo numero iam comprehenduntur tres versus in Choerobosci com. in Heph. ench. (Anecd. Studemundi I.):

1) p. 45, 14.: ἐκέλευε βάλλειν καὶ λεύειν (sic Hipponax, recita λέγειν)
Ἱππώνακτα.

2) p. 48, 10.: δοκέων ἐκεῖνον τῇ βακτηρίᾳ κόψαι (recita βακτηρίᾳ).

3) ibid. 48, 12.: ἡμίεκτον (recita ἡμίετον) αἰτεῖ τοῦ φάλεω κολάψαι.
quod Dielsius emendat: ἡμίεκτον αἰτεῖ τοῦ φάλεω ἑκκολάψαι.
Mercurius, quem stipem rogaverat, ut solet, poeta, loquitur:
Semimodium me postulat; non habeo: e mentula mihi extundat.
Praeterea Reitzensteinus (ind. schol. Rost. 1890/91. p. 7.) Hipponactis fragmento 33 unum versum addit:

τίς ὀμφαλητόμος σε τὸν διοπλήγα
ἔφησε καπέλουσεν ἀσκαρίζοντα.

Libertatem, qua nonnumquam Hipponax usus syllabam cum litteris κτ compositam admisit pro brevi syllaba, illudit Rhintho hoc modo:

Ἱππώνακτος τὸ μέτρον — οὐδέν μοι μέλει.

cf. Voelker, Rhinth. fragm. p. 29.

2 versus, in αῖ, οῖ, ς, υ et enclit. 2, in brevem vocalem 0.
 tituli quarti choliambi 28, quorum exeunt in syllabas natura longas
 14 versus, in αῖ, οῖ, ς, υ et enclit. 11, in brevem vocalem 3.

Vides igitur apud omnes choliambographos frequentissimas
 esse in ultima versuum sede longas syllabas easque, quae exeant
 in αῖ, οῖ, υ, ς, rarissimas eas, quae exeant in breves vocales. Quae
 cum ita sint, Babrius haud novam quandam legem invenisse videtur,
 sed secutus esse constantem Graecorum morem, ita tamen, ut fere
 omnes syllabas in brevem exeuntes vocalem expulisse videatur.
 Apud Romanos autem nullum huius normae vestigium invenitur.
 Nam

Catulli, qui restant, choliamborum 126 exeunt in brevem syllabam
 65 versus.

Martialis libri primi inter choliambos 49 exeunt in brevem syllabam
 24 versus.

Martialis libri duodecimi inter choliambos 75 exeunt in brevem
 syllabam 39 versus.

Ceterum similem legem atque Babrius sequitur Nonnus et
 elegiaci antiquiores in pentametro extremo.

Pergit autem Ahrensius hoc modo: „Altera, quae rarissime
 violatur, haec est (scilicet regula), ut paenultima versus syllaba
 accentum habeat.“ Ac primum quidem quod undecies pronomina
 ἡμεῖς et ὑμεῖς in ultima choliamborum sede collocata videmus,
 omnino non peccatum est, cum iam apud Homerum et Hesiodum
 formae ἡμεῖς et ὑμεῖς reiecto accentu inveniantur. Accedit, quod et
 in mediis versuum partibus Babrius, ubicumque his pronominibus
 utitur, retrahit accentum in syllabam primam¹⁾. Sed quotiens-
 cumque paenultima versuum syllaba accentum non habet, non du-
 bium videtur, quin hi loci corrupti sint²⁾. In epimythiis autem

¹⁾ cf. 1a, 15. 12, 12. 15, 14. 24, 5. 36, 12. 71, 7. 85, 9. 85, 13. 85,
 14. 93, 9. 95, 30. 95, 80. 131, 2. e. c. (ἡμέων: 90, 2.); sed in versuum
 initio: ἡμεῖς; cf. 36, 11. 128, 4.

²⁾ cf. 12, 18. quem versum spurium ducunt Ahrensius, Bergk, Eberhardus, alii. cf. 65, 1. Totum autem huius fabellae exordium mul-
 tilatum esse apparet e Suida s. v. γέρας et τὰς εὐπλήρηξ. cf. 73, 1.
 Apologus miserrime curtatus est. Schneidewinus et Bergk non apte
 proponunt ἀλάγχα, Ahrensius ἀλάγγιν glossam genuini γάρων existimavit.

quamquam duo extant exempla huius legis laesae, tamen mihi quidem haud corrigenda videntur, quia ea epimythia sine dubio non a Babrio profecta sunt, sed ab epitomatore, qui tantam metrorum subtilitatem leviter curabat.

Hipponax circiter quinquagies hanc regulam neglexit; tamen premendum est, quod in amplioribus eius fragmentis¹⁾ haec lex servata videtur. Ananius autem quater (10:4), Aeschrio ter (12:3), Phoenix quinquies decies (35:15), scriptores epigrammatum undecies (47:11), Callimachus quinquies decies (22:15) eam laeserunt. Videmus igitur iterum Babrium non novam excogitasse normam, sed iam antea haud ignotam maxima cum severitate observasse. Nec mira videtur haec regula, sed hausta e choliamborum natura, quod consulto et violenter ultimo versuum pede ponitur pro iambo trochaus spondeusve, quo fit, ut accentus quoque in paenultima syllaba quasi sua sponte considat. Tamen id quidem concedendum est Babrium tanta fuisse metrorum elegantia, ut quam saepissime pedum ictum faceret concinentem cum verborum accentu; compares velim iam primos Babrii versus:

Γενεῇ δικαίων ἦν τὸ πρῶτον ἀνθρώπων,
ὦ Βράγχε τέκνον, ἦν καλοῦσι χρυσεῖην.

Sed eam concordiam haud raro inesse iam antiquissimis et Graecorum et Romanorum iambis Corssenius²⁾ comprobavit, ut apud Aristoph. av. 1.:

ὀρθὴν κελεύεις, ἦ τὸ δένδρον φαίνεται.

ran. 2. et. 3.:

ἐφ' οἷς ἀεὶ γελῶσιν οἱ θεώμενοι,
οὐκ οἶδ'. ὁ δ' ὦμος οὐτοῦ πιέζεται.

et apud Plaut. Amph. prol. 50.:

nunc quam rem ornatam huc veni, primum proloquar,
post argumentum huius eloquar tragoediae.

Quid contraxistis frontem? quia tragoediam e. c.

et Catull. c. 4.:

Phaselus ille, quem videtis, hospites,
ait fuisse navium celerrimus etc.

¹⁾ cf. nr. 34; 57; 26; 6.

²⁾ Aussprache und Vocalismus der lat. Sprache p. 406. etc.

Babrius autem his versibus ita abundat, ut consulto pedum ictum cum verborum accentu conexuisse videatur¹⁾.

Inter Babrii versus 1425, qui nobis traditi sunt, circiter 84 ita percussi sunt, ut pedum ictus congruat cum verborum accentu. Apud Hipponactem, ex quo circiter 150 versus restant, tales versus leguntur septem²⁾. Utut res se habet, id quidem negandum est Babrii artem metricam comparari posse cum Byzantinorum versibus politicis, qui nulla alia ratione contineantur quam syllabarum numero. Nempe versus, qui vocantur politici, duodecim syllabis compositi sunt, ita tamen, ut paenultima quaeque habeat accentum. Crusius autem dactylicos illos poetas, quorum caput est Nonnus, comparandos adhibet, cum similem versuum concludendorum rationem secuti sint atque Babrius. Sed hac ex re nihil conici potest, cum et Crusius ipse Babrium a Nonno recedere confiteatur, quod μέν, δέ, γάρ, alias particulas apud poetas dactylicos, qui quinto post Chr. n. saeculo floruerunt, hoc loco frequentissimas non admiserit in exitum et Nonnum Babrii fabulas hexametris imitatum esse inter omnes constet.

Sed ad alias res metricas procedamus, unde Babrium non Romanorum, sed Graecorum choliambographos quamvis sua usum ratione adhibuisse appareat.

De spondeorum usu apud Romanos Caesius Bassus haec dicit: „hic scazon pessimus erit, qui habuerit alium quinto loco quam iambum; quo tamen sine religione usus est Hipponax“; quam rem Lucianus Muellernus (de re metr. poet. latin. p. 149.) ita explicat: „[in Romanorum scazontibus] ultimo spondeo antecedere iambum vel pueris notum, hanc normam apud Latinos iam ab initio inde servarunt Catullus et aequales excepto, ut videtur, Varrone. praeterea ultima aetate Boethio post annos DC reintegrari Varronis licentiam tam certum quam mirum est.“ Babrius autem non raro spondeum in quinto pede habet³⁾.

¹⁾ cf. 2, 6. 3, 10. 5, 6. 7, 6. 11, 4. 11, 5. 12, 6. 14, 3. 15, 4. 17, 6. 18, 8. 19, 7. 29, 4. 31, 9. 32, 3. 33, 24. 34, 8. 34, 9. 34, 11. 37, 10. 38, 5. 38, 6. 43, 4. 43, 6. e. c.

²⁾ cf. 1, 3. 13, 2. 22, 6. 46, 3. 57, 4. 58, 1. 85.

³⁾ cf. 22, 9. 39, 4. 45, 3. 53, 4. 70, 6. etc.

Nec minus anapaestorum copia recessit a Romanis, quo factum est, ut multi Babrii editores leges metricas Romanorum Babrium sibi imposuisse arbitrati anapaestos excepta prima versuum sede e Babrii apologis expellere conarentur¹⁾. Ut exemplis utar, legitur et in cod. A. et apud Suidam (fab. 10, 12.): κερόλωμαι; correxit Eberhardius κοταίνω, Meinekius χολοῦμαι. cf. fab. 22, 12. Cod. A. praebebat:

ἔθηκαν ἐκάστη τῶν τριχῶν ἀποσπῶσαι.

Mihi quidem, cum altero pede ferendos esse anapaestos usu Babriano comprobetur (cf. fab. 57, 6. 69, 2. 75, 6. 75, 15. 76, 12. 88, 8. 88, 17. etc.), scribendum videtur, quia desideratur nomen eius, qui fit nudus capillis:

ἔθηκαν ἐραστήν etc.

cf. paraphr. Halm. 56.: γέροντα ἐραστήν ἔχειν τὰς πολιὰς αὐτοῦ ἀπέσπα, Nauckio (Mus. Rhen. 6, 630.):

ἔθηκ', ἀν' ἐκάστην τῶν τριχῶν ἀποσπῶσα.

Anapaestum apud Hipponactem esse inauditum Crusius dicit, quamquam legimus hos versus:

Κριτής ὁ Χῖος ἐν τῷ κατωπτικῷ δούλῳ.

et ὁ Κιθαίρων Λυδίοισιν ἐν χοροῖς βάρχων.

Etiamsi primas horum versuum sedes non esse certae formae concedendum est, tamen hoc loco respiciendum videtur ad Tzetzem haec dicentem²⁾: δέχονται καὶ . . . τὸν ἀνάπαιστον, ὡς ὁ Ἰππῶναξ et ad certissimum fragmentum (cf. p. 15.):

ἐκέλευε βάλλειν καὶ λεύειν Ἰππῶνακτα.

falsumque est Hephaestionis testimonium: τὸ δὲ χωλὸν οὐ δέχεται . . . οὔτε δάκτυλον οὔτε τρίβραχυν οὔτε ἀνάπαιστον, cum saepius dactylos et tribrachos iam ab Hipponacte adhiberi nemo neget³⁾.

¹⁾ Ceterum quod a Crusio ex usu monosyllaborum in fine versuum adhibitorum conicitur, mihi quidem falsum videtur. Etenim apud Babrium ut apud Hipponactem, Callimachum, alios numquam hoc loco monosyllaba leguntur, apud Romanos tamen non semper vitantur, etiamsi saepe coalescunt cum syllaba antecedente. cf. Catull. c. 39, 20. 44, 2. etc.

²⁾ apud Cramer. an. Ox. 3. p. 308.

³⁾ cf. frg. 9. 11. 12. Phoenic. frg. 1, 3. cf. Priscian. de metr. comp. p. 418. ed. Gaisf.

Qua Hephaestionis perversa opinione factum esse mihi videtur, ut Meinekius anapaestos ex Hipponactis fragmentis eicere studeret.

Quare Babrium cum omnino non fuisse imitatore choliambographorum Romanorum videamus, ex eius arte metrica fuisse natione Romanum conicere non licet.

Quod denique a Crusio vestigia quaedam e Babrii genere dicendi conferuntur, unde Babrium fuisse Romanum appareat, ea profecta esse non ex fabulatore ipso, sed ex usu tritissimo, quo poeta a magistris et pueris in scholis mediae aetatis pertractabatur, veri simillimum est. Liceat autem illa apud Babrium sermonis Romanorum vestigia a Zachariaeo¹⁾, Crusio, aliis collecta denuo perlustrare.

Λιβυστίνοι cf. prooem. 2, 5:

codex A. exhibet λίβυς τινός, emendavit Schneidewinus Λιβυστίνοι; itaque lubrica esse haec Crusii coniectura videtur, cum nulla alia re nitatur, nisi Schneidewini emendatione. Quamquam Λιβυστίνοι apud veteres Graecorum scriptores non leguntur — leguntur Λίβυες et Λιβυκοί — tamen simili ratione sunt Καρίνοι et Καριχοί. Primum quidem inveniuntur Libystini apud Catullum²⁾. Macrobius autem Apollinem Libystinum a Siculis cultum esse auctor est. Quare veri simillimum est Catullum Alexandrinum quendam poetam, fortasse Callimachum, secutum hanc formam e Graecis transtulisse ad Romanos. Accedit, quod teste Stephano Byzantio³⁾ Λίβυες idem erant ac Λιβυστίνοι, ut, ni fallor, metri causa Babrius hac forma, si vera atque genuina est, usus esse possit videri.

ὕλαι pluralem:

Babrius sexies adhibuit, tamen singulari numero non abstinuit⁴⁾. Apud antiquissimos scriptores Graecos pluralem vocis ὕλη frustra quaesivi, repperi tamen iam apud Aristotelem⁵⁾, saepissime apud posteriores, ut apud Dionys. Halic. de Thuc. 6, Plut. Parall. 21, Dionys. Perierg. 1127, Orph. Arg. 672. et 681, Aelian.

¹⁾ de dictione Babriana, diss. Goett. 1875.

²⁾ 60, 1: montibus Libystinis.

³⁾ p. 415.

⁴⁾ 12, 14. 23, 1. 43, 11. 45, 7. 46, 1. 76, 6. 90, 1. (129, 6).

⁵⁾ Metaph. M. 9, 1085.b.

h. a. 7, 2. p. 153, 13, Luc. var. hist. 1, 10, Dionys. Halic. de Thuc. 6, Herodian. 8, 12. 7, 2, 8. et 10. Videmus igitur usum pluralis ὅλαι ab Aristotele fieri frequentiorem, unde concludi non potest Babrium pendere ex sermone Romanorum.

ἡρόνα ξύων 6, 1.:

quod Crusio aliisque simillimum illi Vergilii voci litora radendi videtur, tantum abest, ut profectum esse e lingua Latina concedam, ut contra vocabulum esse vere Graecum putem ex piscatorum usu petitum, ut Britannii de everriculo dicunt „to shave“.

Ceterum Avianus hos apologi Babriani versus ita imitatus est:

Piscator solitus praedam suspendere saeta
exigui piscis vile trahebat onus.

et Babrii paraphrasta: ἀλιεύς καθείς τὸ δίκτυον ἀνήνεγκε μαινίδα.

ἐπέχειν 26, 5. 50, 11:

Babrius bis verbum ἐπέχειν simplex ita usurpavit, ut alii dixerunt ὀφθαλμόν vel διάνοιαν vel γνῶμην ἐπέχειν τινί.

Romani autem dicere solent: animum advertere vel animadvertere vel advertere¹⁾. Ille Babrii usus non Graecorum esse videbatur Crusio. Sed confer Herodot. 6, 96: ἐπὶ Νάξῳ ἐπέτχον στρατεύεσθαι οἱ Πέρσαι et 1, 153. 1, 80, Thucyd. 2, 81: οὐτ' ἐπέτχον τὸ στρατόπεδον καταλαβεῖν.

συνεζήκει 106, 10:

cod. A. exhibet: μεθ' ἧς τὰ πολλὰ μελίχως συνεζήτει.

Iterum igitur incertum est fundamentum. Sed concedamus Babrium scripsisse συνεζήκει. Quamquam hoc loco συζῆν non idem significat, quod συνδειπνεῖν, sed ζῆν μετὰ τινος. De συζῆν iam quarto saeculo creberrimo cf. Plat. Polit. p. 302. B, Dem. p. 330, 2. etc. Aristot. eth. 4, 12. 13. 8, 6. rhet. 2, 14. etc. Babrius autem adamat verba cum συν composita, ut συγγέρων²⁾ i. e. senectutis socius, quod, ni fallor, a Babrio inventum a nullo nisi ab Eustathio³⁾ recipitur. Atque seiungendum esse συγγέρων a consenescenti similitudine nemo negabit⁴⁾. Ceterum non desunt, qui fabulam 106. mala

¹⁾ cf. Cic. ad fam. 1, 1. etc.

²⁾ fab. 22, 7.

³⁾ p. 306, 34.

⁴⁾ de usu Babriano praepositionis σύν cf. Rutherf. p. 183.

fraude Babrio esse suppositam censeant. Quare Hartungium laudo illum locum ita vertentem: „Mit dem er manche Stunden traulich hinbrachte“¹⁾).

πνεῦμα 112, 8:

ὥς μου κατέλθῃ πνεῦμ' ἀναλγές εἰς Ἰδίου.

πνεῦμα pro ψυχῇ abhorrere a Graecorum consuetudine Crusio videtur. Tamen non procul distant Eurip. Suppl. 533: ἀπῆλθε πνεῦμα μὲν πρὸς αἰθέρα, τὸ σῶμα δ' ἐς γῆν. Hec. 571: ἀφῆκε πνεῦμα θανασίμῳ σφαγῇ etc.

X.

Videmus probandum non esse, quod Crusius conicit Babrium fuisse hominem Romanum. Sed ne plus temporis consumam ad hanc sententiam refellendam, certum, ut mihi quidem videtur, afferam argumentum, unde appareat Babrium non in Italia, sed in Aegypto vitam degisse. Extat enim Babrii apologus²⁾, quo Juppiter aves convocasse narratur, ut omnium pulcherrimae traderet regnum. Coracis autem, quae pennis ab aliis ereptis exornata principatum petiverat, dolo cognito hi versus a poeta adiciuntur:

ὁ Ζεὺς δ' ἐθάμβει καὶ παρῆχε τὴν νίκην,
εἰ μὴ χελιδὼν αὐτόν, ὥς Ἀθηναίη,
ἤλεγξεν ἐλκύσασα τὸ πτερόν πρῶτη.
ὁ δ' εἶπεν αὐτῇ· „μὴ με συκοφαντήσης.“
τὸν δ' ἄρα τρυγῶν ἐσπάρασσε καὶ κίχλην
καὶ κίσσα καὶ κορυδαλὸς οὐν τάφοις τρίζων
χῶ νηπίων δ' ἔφεδρος ὀρνέων ἱρηξ
τά τ' ἄλλ' ὁμοίως. καὶ κολοῖδς ἐγνώσθη.

Quid? Pavo, Junonis celeberrima volucris, omittitur, quae et apud Graecos et apud Romanos permagni aestimabatur? Itaque omnino non dubitandum est, quin Babrius, si in Italia aut in Graecia florisset, hoc loco pavonem nominaturus fuerit. Ex illo autem Hehnii libro praestantissimo³⁾, qui inscribitur „Kulturpflanzen und Haustiere“, pavonem discimus ignotum fuisse Aegyptiis,

¹⁾ cf. Babr. fab. 115, 3. et 30.

²⁾ nro. 72.

³⁾ p. 290.

unde sequitur, ut Babrius vixisse putandus sit in Aegypto. Iuvatque Phaedri fabulam¹⁾ de cornice alienis pennis exornata comparare cum illo Babrii apologo neque mirum est, quod apud Phaedrum graculus superbus pennas pavoni, quae deciderant, sustulit; nempe Phaedrum fabellas conscripsisse Romae constat. Aesopi autem, qui fertur, fabula haec est: Τῶν ὀρνέων βουλευσαμένων περὶ βασιλείας τὰς ἡξίου ἑαυτὸν χειροτονεῖσθαι βασιλέα διὰ τὸ κάλλος. ὀρμωμένων δὲ ἐπὶ τοῦτο τῶν ὀρνέων κολοιὸς εἶπεν· „ἀλλ' ἂν σοῦ βασιλεύοντος ὁ ἀετὸς ἡμᾶς διώκῃ, πῶς ἡμῖν ἐπαρκέσεις;“

Ceterum non opponendum videtur, quod fab. 65. pavo a Babrio citatur, quia eum apologum spurium esse Rutherfordius recte monuit, neque multum tribuendum est Suidae testimonio, cuius e fragmento sub voce γέρανος servato, quantum distet fabula Athoa, intelligatur, praesertim cum iam supra non omnes fabulas a Suida Babrio addictas esse genuinas certiores facti simus.

XI.

Nunc breviter dicam, quid mihi videatur de Babrii aetate. Ac primum quidem poeta non eo utitur dicendi genere, ut certo aetas possit circumscribi. Itaque Zachariaeus in eam adducitur sententiam, ut ipse confiteatur: „Quamquam multa in his (scil. Babrii) fabulis insunt, quae etiam serius tempus monstrant, tamen eo, quod iam Dositheus Magister et Julianus Babrium noverunt, impedimur, ne eum tertio saeculo vel seriori aevo assignemus.“ Itaque ex rebus ipsis termini aetatis Babrii, quantum res ipsae sufficiunt, exquirendi videntur. Ac primum quidem haud dubium est, quin Babrius ante Dositheum, qui floruit tertio post Chr. n. saeculo, apologos confecerit, cum ab eo citetur. Kellerus²⁾ autem Babrium dies illas tristissimas vidisse putat, quibus Achaeorum foedus una cum omnium Graecorum libertate gloriosissime periret, cum non sit dubitandum, quin ad illa tempora respiciat haec Babrii fabula³⁾:

Κυσὶν ποτ' ἐχθρὰ καὶ λύκοις συνειστήχει etc.

¹⁾ fab. 1, 3.

²⁾ Fleck. Jahrb. Suppl. IV. p. 386. e. s.

³⁾ fab. 85.

Quod ab omnibus Achaeus canis eligatur dux, cuius generis virtutes a nullo veterum scriptore nisi a Babrio commemorantur, haud dubie significari praeclarissimum illud Achaeorum bellum, in quod Babrii aetas incidere putanda sit. Quod Kelléri iudicium temere nimiumque festinanter dictum esse et Eberhardio et mihi videtur. Idem enim Achaeorum canes a Polluce¹⁾ praedicantur: Γενναῖοι κύνες Λακωνικαί, Λάκαιναι, Ἀρχαῖες, Ἀργολίδες . . . οἱ δὲ κύνες οἱ Ψυλλικοὶ καλούμενοι ἀπὸ πόλεως Ἀγαῖκῃς κέκληνται. Tum, etiamsi concederetur describi illo apologo Achaeorum bellum, tamen inde nihil aliud concluderetur nisi Babrium post id tempus floruisse, sed, quot annis post illud bellum vixerit, ex hac fabella omnino non cognoscitur. Facile enim Babrius apologum non ex snopte ingenio, sed ex alio quodam fabulatore haurire poterat.

Sed recedamus ad ea, quae a Crusio de Babrii aetate tempantur. Dicit enim poetam floruisse imperatore Alexandro Severo. Ac primum quidem Crusio, etiamsi ipse ab ullo scriptore filium Severo fuisse tradi negat, tamen verisimile videtur discipulum fuisse filium Alexandri Severi²⁾, quippe quem omnino non fuisse mulierum osorem constet. Sed in tanto scriptorum illius aetatis numero fieri potuisse putas, ut imperatorius filius tantis obscuraretur nubibus, ut nemini notus sit nisi Boissonadio et Crusio? Accedunt praeterea maiores difficultates, quibus Crusius oppressus ut naufragus frustra laboret. Constat enim Dositheim in usum puerorum Graecorum Latinam linguam discentium Hygini genealogiam Graece et Latine descripsisse anno p. Chr. n. 207., quo anno ipse pater Alexander puerulus erat duorum annorum. Itaque Crusius eos Babrii apologos, quos Dositheus in suum libellum recepit, haustos esse ex priore Babrii editione arbitratur triginta circiter annis ante alteram in lucem missa. Quae si ita

¹⁾ 5, 37.

²⁾ Nunc quidem Crusius cf. Wochenschrift für klass. Philol. 1891. p. 619. e. s. a Babrio appellari dicit Branchum deum, ex quo Chilonem esse natum Aristagoras Milesius testetur, velut Chilonis et Aesopi aemulum. Ut alia praetermittam, quae huic opinioni adversantur, haud dubie illud ὁ Βράγγε τέκνον Crusii sententiae obstat.

sunt, Crusio concedendum est Branchum et Alexandri filium non eosdem fuisse. At tamen verba Babrii ipsa:

ἐκ δευτέρου σοι τήνδε βῆλον αἰδέω

dubitationem non habent, quin eidem et prior et altera fabularum editio a Babrio sint dedicatae; illud enim ἐκ δευτέρου nihil aliud significare atque voculam iterum comprobatur fab. 114, 5. et fab. 95, 101. Nec felicius a Crusio fieri potuisse contenditur, ut poeta, priusquam apologos collectos edidisset, pauculos aliquos publici iuris faceret vel amicis impertiret. Etenim Babrius filio Alexandri Severi fabellas non ante annum 235. mittere poterat, cum filius imperatorius neque ante annum 225. natus et, quo tempore librum accepit dedicatum, eo circa ad aetatem decem annorum proventus esse censendus sit. Quae si ita essent, Babrius apologos fere per triginta annos repositos servasse putandus est. Sed quo consilio motus? Quia fabulae egebant lima? Minime, cum toto Babrii thesauro insit unus idemque orationis stilus.

Qua re me iudice nil impedit, quominus Carolo Lachmanno astipulantes Babrium floruisse censeamus primo post Chr. n. saeculo¹⁾. Quisnam fuerit ille Alexander, meo quidem arbitrio vix umquam certo poterit cognosci, nisi novis titulis repertis id aenigma erit solutum.

¹⁾ etiamsi me non fugit eos versus, qui ab Apollonio sophista (in lexico Homérico p. 10, 13.) traduntur, propter ultimi pedis accentum a Babrio esse abiudicandos.

De Herodae choliambis.

Fortuna studiis meis Babrianis favere videtur, cum Herodae mimiambris paucos ante dies quasi ab inferis in lucem revocatis eis rebus, quas animi quadam divinatione de Babrii choliambis suspicatus sum, nunc certissima additur fides stabileque fundamentum. Neque tamen harum rerum diiudicandarum difficultates diminutae, sed auctae videntur, quia Herodae versus nuperrime a Kenyone e papyro Aegyptio descripti — Rutherfordii editio vix digna videtur, quae citetur — temporum iniquitate ingenti mendarum et lacunarum numero maculati sunt, quarum partem Blassius et Crusius sanare studebant. In tot tantisque errandi periculis versato Dielsius mihi opitulatus nec tempori nec labori pepercit, ut, quae ipse ingeniose ad mimiambrs pernoscendos vel emendandos excogitavit, ea mecum communicaret.

Restant Herodae versus 598 integri, quorum exeunt in syllabas natura longas 327, in αῖ, οῖ, ε, υ etc. 199, in vocales breves 72, ut manifestum sit Herodam ut ceteros Graecorum choliambographos in ultima versuum sede raro sibi concessisse syllabas exeuntes in brevem vocalem, quas Babrium hoc loco omnino vitasse constat. Neque aliter altera, quae dicitur, Babrii regula sese habet: in paenultima versuum sede consedit accentus; quam normam Herodas ita secutus est, ut eam quadringenties tricies quinquies servaret, violaret centies sexagies ter. Quae cum ita sint, quod antea ex choliamborum reliquiis Babrium non novas artis metricae leges invenisse conieci sed iam ante haud ignotas excoluisse et singulari cum severitate observasse, Herodae carminibus luce clarius comprobatur. Quod saepissime Herodas ut Babrius pronominiibus ἡμεῖς, ὑμεῖς etc. in ultima versuum sede utitur, nunc non mirum

videatur. Uterque enim, ubicumque ea adhibet, retrahit accentum in primam syllabam excepto versuum initio.

Caesio Basso teste hic scazon pessimus est, qui habet alium quinto loco pedem quam iambum, quo tamen sine religione usus est Hipponax. Babrium autem hoc loco non raro spondeum admisisse iam antea commemoratum est. Apud Herodam non nisi integros versus numerantibus circiter vices in quinto pede occurrit spondeus, ut mimiamborum poeta fere ubique notissimam illam normam servasse videatur.

Procedamus nunc ad anapaestorum usum. Invenitur enim apud Herodam prima sede septies cf. 4, 5. 4, 6. 4, 9. 5, 1. 5, 13. 5, 31. 7, 57., secunda semel cf. 2, 79: σὺ μὲν ἴσως¹⁾, tertia numquam. Quarto autem loco bis traditur anapaestus cf. 6, 55., ubi non μακαρίτις, sed μακάριος scribendum esse conicio, et cf. 2, 31: πόλιος καλυπτῆρες, ubi litterae i tenuitate exonerari anapaestum apparet, cf. v. 4, 72., ubi eadem ratione anapaestus quinto in pede expeditur. Ita fit, ut Herodam nullo loco anapaestos legitimos sibi concessisse putemus nisi primo atque secundo. Nec minus severe utitur Herodas dactylis. Leguntur enim nusquam nisi prima sede (sexies decies: 1, 33. 2, 26. 2, 40. 2, 42. 2, 56. 2, 88. 3, 44. 3, 93. 4, 20. 4, 81. 4, 91. 4, 93. 4, 94. 6, 57. 7, 58. 7, 61.) et tertia (ter decies: 1, 9. 1, 28. 1, 30. 4, 19. 5, 53. 6, 24. 6, 67. 6, 74. 6, 92. 7, 5. 7, 60. 7, 128. 7, 129.). Tribraichys adhibetur primo loco ter, secundo ter decies, tertio quinquies, quarto ter.

¹⁾ Apud Herodam semper scribendum esse ἴσος, non ἴσος ex Jadis norma patet et confirmatur v. 1, 53. cf. 2, 32. 2, 79. 3, 93. 7, 27. Accedunt duo versus, quibus altera sede anapaestum inesse verisimillimum sit, cum legendum videatur:

3, 7: δ'ἔτι αἱ ἀστράγαλοι, λαμπρίσκε — συμφορῆς δ'ᾗδη etc. et
3, 19: αἱ δορκαλίδες δέ etc.

SENTENTIAE CONTROVERSAE.

- 1) Quod Buechelerus in mus. Rhen. vol. an. 1886. conicit in Babrii fab. 86,8. pro $\mu\epsilon\tilde{\iota}\nu\omicron\nu$ legendum esse $\xi\mu\epsilon\iota$, probari non potest.
 - 2) Branchus et Alexandri regis filius, qui apud Babrium inveniuntur, sunt una eademque persona.
 - 3) In artificis Romani lucerna, quae est in antiquario Berolynensi nro. XXI,5989., expressa est fabella litteris non servata, qua grus index inducitur elephantis et muris, nescio qua de causa, decertantium.
 - 4) Apologos, quibus arbores fingebantur loquentes, Romanis ante Tiberii imperatoris tempora displicuisse manifestum est.
 - 5) Ennius apologos satiris inspersit, non seorsum ut peculiare quoddam carminum genus conscripsit.
 - 6) Iones solos fuisse apologorum auctores non recte statuit Neubnerus.
-

V I T A .

Natus sum Posnaniae Julius Werner ante diem VIII. Idus Aprilis anni h. s. LXVI. patre Philippo, philosophiae doctore, matre Flora e gente Rotholziana, quos parentes carissimos praematura morte ereptos mihi lugeo. Fidem profiteor mosaicam. Patria in urbe litterarum rudimentis imbutus inter gymnasii Gedanensis discipulos receptus sum, quod usque ad hunc diem regitur a Carnutho, viro animi atque ingenii virtutibus summopere omnibus venerando. Postquam enim pater agri colendi causa rus transmigravit, puer tredecim annorum Cossmanni fratris, qui quasi alter pater singulari me amplexus est amore atque cura, in disciplinam Gedanum veni. Anno h. s. LXXXVI maturitatis testimonio instructus Vratislaviam me contuli, ubi sex per menses frequentavi scholas Hertzii, Rossbachii, Freudenthali, Eduardi Meyeri, Oscari Erdmanni. Tunc Monachi, ubi philologiae studiis me dedi tria per semestria, audiivi Woelfffinum, Schoellium, Christium, Prantlium, Bernaysium, Hofmannum, Brennerum, Sittlium. Woelfffini, Schoellii, Christii benignitate mihi contigit, ut interesssem sodalis per id tempus seminario regio. Berolini, quo postea profectus sum, ut finem imponerem studiis, docuerunt me Dielsius, Huebnerus, Vahlenus, Kirchhoffius, Zellerus, Robertus, Diltheyus, Curtius, Furtwaenglerus, Roedigerus, Schroederus, Ericus Schmidtus, Strackius. Dielsii societati interfui per quattuor semestria, Curtii et Roberti per sex menses. Quibus viris omnibus, praecipue Hermannu Dielsio, qui praeter ceteros fautor extitit studiorum meorum, quoad vivo, gratias habebo quam maximas.

